



UNIVERSITÄTS-
BIBLIOTHEK
PADERBORN

**Nicolai Lancicii E Societate Iesv Opvscvlorvm Spiritvalivm
Tomvs ...**

Łęczycki, Mikołaj

Antverpiae, 1650

Deuotiones quæ fieri possunt per octauam Corporis Christi. Cap. XXVI.

[urn:nbn:de:hbz:466:1-78821](https://nbn-resolving.org/urn:nbn:de:hbz:466:1-78821)

Quinta preparatio per recitationem Horarum Canoniarum à sacerdotibus, seu Psalmorum quorundam appositorum, ab alijs solito feruentiorem, esse potest. *Vox enim psalmodie, inquit S. Gregorius Papa: Cum per intentionem (id est feruentem), cordis agitur, per hanc Omnipotenti Domino ad cor iter paratur.*

Sexta preparatio est, conatus maior his diebus ad allequendam perfectionem. Sic B. V. Maria dixit S. Brigide: *Deus omnes cum gratia sua visitat. Eos vero qui sic cogitant, nos inquit abstinere volumus à peccato, & in quantum possumus conari volumus ad perfectionem, hos visitat Spiritus Sanctus frequentius ut perfectius possint.*

Septima preparatio adiuncta præteritis, est maximi momenti, ardentè & frequenter in die, imò ad singularum horarum interdiu pulsus, desiderare multa & magna dona Spiritus Sanctus ad que obtinenda, erigenda est spes nostra Christi verbis: *Beati qui esurunt & sitiunt iustitiam, quoniam ipsi saturabuntur: Et ita Dominus etiam S. Gertrudi dixit: Ego cuiuslibet donavi fistulam auream talis virtutis, ut ea quislibet sibi attrahere possit de intimis mei desicati cordis quacunque desiderat. Quam fistulam illa intellexit bonam esse voluntatem, per quam omne bonum spirituale, tam celestium quam terrestrium sibi potest propriè vendicare. Merito ergo S. Bernardus, excitat: Qui desiderat abundantius desideret, quoniam quantumcunque desiderare poterit, tantum est accepturus. Immo, non secundum imperfectionem modicæ desiderij, sed mensuram accepturus est bonam & cõferam & coarguatam & super effluentem.*

Octava preparatio est frequens & feruens oratio ex Sanctis desideriis orta, petens à Spiritu S. in nos venturo dona eius quamplurima & maxima: *Precibus insistendum est, inquit B. Laurentius Iustinianus, & Dei suffragium flagitandũ, quatenus quotidie nobis semper potiora donentur. Cõtingit enim per sepe, ut quod nequeunt merita, desideriorum interpellationes largiantur. Delectatur quippe Dominus orationibus supplicantium, ut eorum votis annuat: si tamen corde simplici fundantur, humilique, mente ac deuotione fidei: Nempè si tria hæc conueniant in orante, de omni re, quamcunque petierit secundum Deum, fiet illi à Patre luminum, eiusq; Filio D. N. Iesu Christo.*

Nona preparatio esse potest, suscepta ob hunc finem aliqua corporis afflictio his diebus, ut sunt cilicia, disciplina, ieiunia, abstinentia, durus lectus.

CAPVT VIGESIMVMSEXTVM.

Deuotiones qua possunt fieri per Octauam Corporis Christi.

185. PRIMò. Quolibet die meditari aliquid de SS. Sacramento Eucharistie.

Secundò. Sæpius illud visitare in die: & si desit tempus diu manendi in hac visitatione, breuiter sed feruenter expedire deuotiones.

Tertiò. Ob amorem SS. Sacramenti, ab omni peccato linguæ abstinere per totam Octauam, præsertim à murmuracionibus, detractionibus, mendacijs, & verbis iracundis.

Quartò. Communicare sæpius intra Octauam.

Quintò. Quotidie facere disciplinam (cum licentia) ad placandum Deum ob irreuencias quæ fiunt in mundo erga SS. Eucharistiam.

Sextò. Salte ter in die, mane, post meridiem, & ante somnum, quinquies genu flectere versus quatuor partes mundi, breuiter sed affectuosè, ob tres causas.

Primò. Petendo remissionem illorum quæ fiunt in illa parte mundi contra SS. Sacramentum Eucharistie in illo recipiendo, & alijs modis.

Secundò. Gratijs agendo Diuinæ Maiestati pro beneficijs collatis, beneficio SS. Sacramenti & SS. Sacrificij Missæ, viujs & defunctis.

Tertiò. Commendando Christo Domino nostro in SS. Eucharistia existenti in ea parte mundi, omnes necessitates spirituales & temporales viuorum & mortuorum.

Septimò. Dum auditur hora, sonante horologio. Primò. Deuorè dicere illam orationem, Deus qui nobis sub Sacramento mirabili, &c. Secundò. Communicare Spiritualiter. Tertiò. Saltem internè, si es cum alijs, & exterius, si solus es, saltem capitis inclinatione, adorare SS. Eucharistiam in eo loco existentem, qui est proximus tibi, vel cubiculo tuo.

Octauò. Tempore prandij & canæ communicare spiritualiter, occasione cibi & potus.

Nonò. Per hos octo dies, magis seruire silentium, & minus loqui de rebus indifferentibus.

Decimò. Per hos octo dies quotidie solito deuotius aspicere SS. Eucharistiam flectendo in tali loco ex quo possit videri SS. Eucharistia tempore Missæ supra corporale posita, vel, si hoc fieri nequeat, aspiciendo illam expositam publice in sacro illo Ferculo quod Monstrantiam appellamus. Nam S. Gertrudis diuinitus intellexit, quod quoties homo cum desiderio & deuotione inspexerit hostiam in qua latet corpus Christi sacramentaliter, toties meritum suum auget in celo, quia æternaliter in futura visione Dei tot sibi speciales delectationes alludent; quoties in terris cum deuotione & desiderio inspexerit corpus Christi, vel etiam velle videre se posses, cum rationabiliter impeditur.